



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XXVII. Tres Ignatio socios Petrus Faber Parisiis adiungit.

urn:nbn:de:hbz:466:1-10840

sed Zacharias, Marcus, Philippus, & Illusterrima ipsorum familia vniuersa, qui ad Societatem postea fundandam, paterno nobis præsidio semper adfuerunt. Bellè res haec tenus ferebantur, & mirum erat tamdiu Venetiis dæmonem cessare, alibi semper Ignatio aduersatum. Eius ergo ac sui non immemor, eò in illum dætestabilius incubuit, quo falsi vix posse conuinci, sparsæ de ipso calumniæ videbantur, iactabatur enim sator hærefeon verfipellis; Hispanias primum, tum Gallias iis contemerasse, in Italiam demum se penetrare ad contaminandam illam eadem lue. Procedere illi rem ex sententia beneficio secreti, nam cum alioqui cœpisset detegi, ad primam delationis auram, quam ei familiaris afflabat dæmon, salutem fuga redemisse, delusis sacrorum Quæsitorum tribunalibus, & pœnis. Sic & Compluti, sic & Salmanticæ, sic Parisiis ab eo factum, eiusque illic effigiem, quod in eum decerni aliud non posset, ad sempiternam infamiam rogo traditam fuisse. Iam fidei aliquid, hæc licet somnia, publicè vulgata, in quorundam animis fecerant, cum admonitus Ignatius, nihil conturbatus ut qui optimè nosset, vnde quové spectarent, placidè Hieronymum Veralium Pauli tunc tertij Venetiis Nuncium, postea Cardinalem, conuenit, rogauitque de sua vel rei, vel actoris causa plenè cognosceret, haud quidem calumniatores, sed ipsas calumnias damnaturus, & annuit postulationi æquissimæ Nuncius, eo fructu qui consueuerat ex causis similibus ad Ignatiū redire, pronunciatum est iudicio publico pro illius innocentia, aduersarij, falsitatis, & calumniæ damnat.

XXVII.

*Tres Ignatio
socios Petrus
Faber Pari-
siis adiungit.*

Hæc ab Ignatio dum Aspeitia, & Venetiis gererentur, Parisiis Faber cum sociis studiorum cursum ad metam vrgebat, ibi condictum discessu, operiens diem, moliri & ipse aliquid magistro dignum (cuius illic agebat vices) in pescatione animorum aggressus est: quantos vero ex ea quæstus retulerit, vel ex uno solum intelligatur plenius, quam si per singula eatur; ut enim rescitum de illius discessu ad conuenientem Ignatium, eius Academiac doctor, & fama conspicuus, & eximiæ probitatis, religionem ipsi lethalis criminis iniecit, si quam illic Deo nauabat opera in connertendis ad illum tam multis, spes anteponeret dubias & longinquas, mira quædam cum Ignatio patrandi; quæ quantumuis magnifica, futuri specie blandirentur, nunquam tamen essent utilitatum præsentium mensuram æquaatura. Subdebâtque in hac sententia si parum se crederet fide dignum, daturum se illam Theologorum Parisiensium multis chirographis munitam. Hic vero animos generosæ illius familie nisi & inter se, & cum Ignatio, certa persuasio colligasset, qua se per eum à Deo electos ad ingentia opera statuebant; mutasset profectò Fabri constantia, forte illo concussu ab Ignatio diuellenda, forte etiam socios diuulsura, vel aliò quopiam impulsura. Grandi enim, si minus culpa, at certe iactura, omitti Parisiis videbantur innumerabiles animæ quæ lætissimos prouentus impensa sibi opera reddebant, ob transmarinam expeditionem, ad profanos, barbaros, ignoti moris, & linguae populos, nec fortassis culturam passuros, aut fructu certè non alio quam emeriti laboris, nulla fruge conuersionis animarum. Verum enim vero Ignatij fabricam machinata fuerat Dei manus, nec aut iste, aut qui quis

quiis alius impulsus eam conuoluere , aut quassare ac ne imminuere qui-
dem vel vno lapidum valuit; accessere quin etiam prioribus alijs ; cuius planè
Fabro , incrementi merces , & gloria debetur . Nam erat hominis mira dexteritas , in colloquiis familiaribus pietatis sale condiebatur ; de qua cum age-
ret , suo quodam agebat proprio charactere , tam simplici , atque ingeno ,
vt ab exquisita illius arte , procul esse ars omnis videtur ; tam valido ta-
men , & tam piè dissimulato pij sermonis imperio , vt subire illum in ani-
mos adstantium crederes , & eorum de quibus diceret affectus iis insculpere .
Ad hoc eorum in quos incidisset colloquiis immiscere se se admodum co-
miter , iisdem affici , eandem animi relaxationem cum iis captare ; sed temo-
ne paulatim occupato (sic aures vocavit Clemens Alexandrinus , vt quibus
animi totius nauigatio regitur) prouectum sermonem , in suam sententiam
flectere , quæ vnā speebat animæ salutem , efficeréque , vt nihil minus agen-
tes , nihil magis egisse se deprehenderent , quād quod minus agere cogita-
rant , inde nemini suspectus esse , aperti martis imagine mouere neminem
(qua solent ad defensionem ij quoque accingi , qui aliunde vinci optant)
nullum ab sua consuetudine auertere , iucunda de cætero multūmque ama-
bili . Per hæc æternorum lumen potens , & multiplex , pæne absque sensu in-
sinuabat medullis audientium intimis , ex quo morum frequens admir-
andaque mutatio sequebatur . Præter hunc de diuinis agendi , tam omni-
bus gratum , industriūmque modum , Exercitia S. Ignatij tam docta , peri-
taque tractabat manu , vt vel ipso iudice Ignatio , parem in eo genere non
haberet . His itaque artibus tum Deo plurimos , tum tres Ignatio lectissi-
mos socios peperit , Claudium Iaium , Pascasium Brouetum , Ioannem Co-
durium ; omnes Theologiæ magisterio ornatos , Sacerdotio etiam priores
duos . Claudius raro ingenio , & candidissima indole , Anecij prope Ge-
bennam natus . Pascasius Bertamcurij haud procul Ambiano , Ioannes
Ebreduni Delphinatus metropoli . Sic decem omnino fuere primi Societa-
tis Patres , qui numerus multarum hæreticis fabularum argumentum fuit .
Denarium apud Pythagoram ait Misenus Calui nista , fuisse cognomina-
tum ex Atlante , quare primis illis qui ad Societatem iungendam conuene-
rant , non ab re contigisse vt eum efficerent numerum , Iesuitas nimirum
perinde Papatum sustentare , vti *Vertice supposito sidera fulcit Atlas* , iusit
prudentius in eum numerum scriptor eruditus , & pius Florimundus Remun-
dus libro de ortu hæres . Deum videlicet pondere , numero , & mensura ,
omnia digerentem , hac etiam decade quæ Societatis fundamentum erat
omen edidisse rerum ab ea gerendarum , foréque hoc decumanum mare ,
quod esset aliquando Lutheri piraticam depressurum . Atque hi quoque
tres socij prioribus additi dum alij instaurant , sua tunc primum vota nunci-
parunt , eodem Virgini Assumptæ die festo , eademque ad Montem Marty-
rum in æde ; quam vororum instaurationem , annis duobus iterarunt 1535 . &
36 . quibus Parisis sustiterunt .

Sub hæc Francisci S. sopriæ obitu , controverti cœpit Duxus Medio- XXVIII.

T t 2 lanensis